



Concello de Arbo

BASES DO CONCURSO DE CARTEIS DA “LXIII FESTA DA LAMPREA”: CATEGORÍA LIBRE

1.- Obxectivo ou Finalidade do concurso:

O Concello de Arbo convoca o concurso de carteis con motivo da celebración da “LXIII Festa da Lamprea” que se atopa prevista para os días 28, 29 e 30 de abril de 2023.

Este concurso ten como obxectivo deseñar o cartel para a “LXIII Festa da Lamprea” promovendo así a principal festa gastronómica do Municipio.

2.- Participantes:

O Concurso axustarase a temas relacionados coa Festa da Lamprea, podendo tomar parte todas aquelas persoas que o desexen, e podendo achegarse dúas obras por autor, baixo a condición que sexan traballos orixinais.

3.- Tema, Característica técnicas, Soporte e Material:

Tema: LXIII Festa da Lamprea.

Soporte: As propostas serán entregadas en soporte físico (papel, tela, cartón...) no que os participantes consideren axeito e en tamaño mínimo A3, así coma en soporte dixital á máxima resolución.

Nos carteis deberá incluírse de xeito correcto o nome da Festa, as datas da Festa, o nome de Arbo e a edición da festa correspondente ao ano 2023: “LXIII Festa da Lamprea (28, 29 e 30 de abril de 2023.)”.

O erro en algún destes aspectos determinara a exclusión do cartel.

Material: Os materiais a empregar poderán ser lapis de cores, ceras, acuarelas, témperas, collage, etc.

As obras orixinais presentadas deberán vir protexidas de forma adecuada, o Concello non se responsabiliza de ningún dano que poidan sufrir durante o transporte ou manipulación dos mesmos.

4.- Premios e réxime fiscal:





Concello de Arbo

Establécense os seguintes premios:

- 1º Premio: 800,00 euros.
- 2º Premio: 400,00 euros.
- 3º Premios: 200,00 euros.

Os premios serán entregados na Gala da Lamprea.

O día e lugar da Gala, estará dentro das actividades programadas nos actos da Festa da Lamprea e será debidamente notificado aos gañadores.

É condición indispensable que os gañadores estean presentes no acto para recoller o premio, salvo causa de forza maior ou debidamente xustificada.

O importe dos premios será sufragado con cargo a aplicación orzamentaria correspondente do exercicio 2023, quedando supeditada a resolución de concesión dos mesmos a existencia de crédito adecuado e suficiente no orzamento do exercicio 2023

Os premios estarán suxeitos a correspondente retención nos termos previstos na Lei 35/2006 de 28 de novembro reguladora do Imposto sobre a Renda das Persoas Físicas.

5.- Presentación e prazo de finalización:

Os concursantes presentarán as súas obras no rexistro xeral do Concello de Arbo sito na Praza Consistorio nº 1 36430 Arbo (Pontevedra) e poderán remitilas por facturación, correo ou mediante entrega en man, indicando na embalaxe “Concurso Cartel LXIII Festa da Lamprea”.

O Concello non se responsabiliza de posibles danos, extravíos, nin da devolución das obras unha vez concluído o concurso.

Os Carteis serán presentados sen firma do autor, baixo un lema que libremente escollan os seus autores, debendo constar por escrito no dorso da obra, achegando un sobre pechado no que conste no seu parte exterior o lema de referencia, e conteña, escrito a máquina ou letra lexible, os datos persoais do autor (nome e apelidos, domicilio, poboación, teléfono, email, etc.), así como fotocopia do D.N.I. e declaración que figura no anexo I debidamente asinada





Concello de Arbo

No exterior do sobre indicado, aparecerá, en letras maiúsculas o tema do concurso, sen constar alusión algunha que permita identificar ao concursante, sendo causa de exclusión do concurso o incumprimento desta norma.

O prazo para a entrega das propostas de carteis finalizará **o día 10 de xaneiro de 2023**

6.- Xurado:

Haberá un xurado composto por representantes dos distintos ámbitos sociais e culturais do Concello de Arbo, cuxa designación se fará pola Alcaldía, e de cuxas deliberacións e conclusións se deixará constancia na acta que se levantará ao efecto.

O xurado valorará especialmente a creatividade, o impacto visual e a súa relación coa filosofía do evento.

O xurado poderá deixar baleiros os premios se ningunha proposta acada a calidade esixida, ou rexeitar para o concurso aquelas que non se axusten ás bases.

O xurado elevará ao órgano municipal competente a proposta de premios que corresponda outorgar.

Os premios faranse públicos nos medios de comunicación e nas redes sociais, indicando, cando menos, o nome e apelidos dos gañadores/as.

7.- Traballos premiados:

As propostas presentadas e premiadas ficarán en poder do Concello, podendo facer uso das mesmas para calquera evento que desenvolva, e podendo ser obxecto de exposición ou reprodución por parte dos convocantes, sen que elo dea dereito a retribución algunha para os concursantes.

O Concello poderá efectuar cantas reproducións precise do cartel que obteña o premio e difundilo, sen que polo seu autor poda evocar ningún tipo de dereito ao respecto, podendo empregar a imaxe completa do cartel ou parte dela para realizar material relacionado coa festa.

Do mesmo xeito, poderá introducir algunha modificación nos carteis premiados se existira algunha dificultade técnica para a súa impresión ou para introducir algún texto ou logotipo que non figure inicialmente nas bases.





Concello de Arbo

8.- Traballos non premiados:

As obras non premiadas devolveranse aos seus autores, podendo estes pasar a recollelas polas dependencias municipais.

As obras non premiadas poderán ser recollidas a partir do quinto día posterior ao fallo do xurado no mesmo lugar onde foron entregadas.

Os autores das obras serán os encargados de retiralas da forma que estimen oportuna.

Transcorrido o prazo de 30 días, o Concello non se responsabilizará do destino das obras non retiradas.

9.- Publicidade:

A convocatoria deste concurso e as súas bases, así como os sucesivos anuncios relativos ao concurso publicaranse no Taboleiro de Anuncios do Concello, na web da festa da lamprea (www.festadalamprea.gal), nas redes sociais do mesmo e nas redes sociais da Festa da Lamprea.

10.- Normas en materia de Protección de datos:

Os datos persoais que os participantes ou gañadores do presente concurso faciliten para a participación no mesmo e no seu caso, para o adecuado desenvolvemento do concurso, serán tratados, na súa condición de responsable, polo Concello de Arbo.

A lexitimación para o tratamento dos datos é o cumprimento dunha misión realizada en interese público ou no exercicio de poderes públicos conferidos ao responsable do tratamento en base á Lei 7/1985, de 2 de abril, Reguladora das Bases do Réxime Local, e á Lei 38/2003, de 17 de novembro, xeral de subvencións, e Lei 9/2007, de 13 de xuño, de subvencións de Galicia.

Os datos persoais proporcionados polos participantes e gañadores do concurso serán tratados coa finalidade de levar a cabo a tramitación xeral do presente procedemento de concorrencia (concurso) e o desenvolvemento das prestacións derivadas do mesmo, polo que se conservarán mentres sexan necesarios para as ditas finalidades, e, en todo caso, durante os prazos establecidos pola lexislación vixente.





Concello de Arbo

Do mesmo xeito, determinados datos poderán ser publicados, nos termos previstos na lexislación vixente, a través de medios comunicación institucionais como Boletíns ou Diarios Oficiais, páxinas web ou taboleiros de anuncios, coa finalidade de dar a publicidade legalmente esixidas ao procedemento.

En caso de que os participantes no concurso facilitaran datos de carácter persoal de terceiros, incluídos os relativos ao persoal ao seu servizo, previamente a súa inclusión deberán informar ás persoas interesadas dos extremos establecidos nos parágrafos anteriores.

As persoas interesadas poderán acceder, rectificar e suprimir os seus datos, así como exercitar outros dereitos ou revogar o consentimento segundo o previsto na sede electrónica do Concello de Arbo https://www.concellodearbo.es/eportal/portal/?id_seccion=572.

De igual forma poderán poñerse en contacto coa persoa delegada de protección de datos e obter información adicional segundo o especificado no portal web.

11.- Normas finais:

O feito de participar no concurso implica o coñecemento e aceptación por todos os concursantes das presentes bases

Os órganos competentes, en cada caso, quedarán facultados para resolver as dúbidas que se presenten e tomar os acordos necesarios para a boa orde do concurso, en todo o non previsto nestas bases.

O alcalde. Horacio Gil Expósito. Sinatura dixital á marxe.

ANEXO I





Concello de Arbo

D/D^a _____, con NIF _____, e domicilio _____ en _____

_____, aos efectos do previsto nas bases do concurso de carteis da “LXIII Festa da Lamprea. Categoría Libre”, DECLARO:

Que reúno os requisitos para ser beneficiario dos premios previstos nas referidas bases, ao concorrer na miña persoa as circunstancias previstas nas bases reguladoras e na convocatoria, e non incorrer en ningunha das prohibicións e circunstancias previstas no art. 10.2 da Lei 9/2017, de 13 de xuño, de subvencións de Galicia.

Asdo.: _____

PROTECCIÓN DE DATOS	
Responsable do tratamento	Concello de Arbo
Finalidades do tratamento	Xestionar o presente procedemento e levar a cabo todas as actuacións administrativas que, no seu caso, se deriven.
Lexitimación para o tratamento	O cumprimento dunha tarefa en interese público ou o exercicio de poderes públicos segundo en base á Lei 7/1985, de 2 de abril, Reguladora das Bases do Réxime Local, e á Lei 38/2003, de 17 de novembro, xeral de subvencións, e Lei 9/2007, de 13 de xuño, de subvencións de Galicia
Destinatarios dos datos	As Administracións públicas no exercicio das súas propias competencias
Exercicio de dereitos	As persoas interesadas poderán acceder, rectificar e suprimir os seus datos, así como exercitar outros dereitos ou revocar o consentimento segundo _____ o _____ previsto en https://www.concellodearbo.es/eportal/portal/index.php?id_seccion=573
Máis información e contacto coa persoa delegada de protección de datos	https://www.concellodearbo.es/eportal/portal/?id_seccion=572

